

狗來富

王彥博

恁敢捌聽過「豬來窮，狗來富，貓來起大厝」？頭起先我對這句話無啥了解，毋過自阮兜這隻烏狗家已走來了後，我才開始認捌這句臺灣俗語。

阮阿公，在庄的攞捌伊，逐家攞稱呼伊「魚仔王」。捌聽阿公咧講，自祖公仔彼代就開始咧撿魚塭，一直到這馬攞無拋荒去，照常做這途。萬項代誌都綿爛做，毋但用心飼，閩毋驚風雨，日也做、暝也做，才成做阮這庄人人呵咾的飼魚仔王。

有一日，阿公佇魚塭咧作穡的時，雄雄有一隻烏色的流浪狗走來塭仔遮，尾仔搖咧搖咧，袂輸有好食的歡喜甲。阿公看著這隻烏狗，就共頭拄仔才掠的魚仔擲一尾予伊，閩共伊呼倚來，毋但共伊的頭掌掌咧，嘛共伊的尻脊骹搭咧。這隻狗仔好親像有感受著阿公的善意，就蠕踎阿公的身軀邊，閩倒坦橫予阿公掌腹肚。自彼擺了後，這隻烏狗就綴佇阿公的尻脊後，逐日都綴阿公咧巡頭看尾，袂輸保鏢全款，保護阿公的安全。

風颳咧欲來矣，阿爸千叮嚀、萬交代，交代阿公毋通騎 oo-tóo-bái 去塭仔遐。啥人知姑情規半晡，阿公連聽都毋願，猶是閩款欲出門，想袂到因為風颳天透大風，摔大

雨，阿公煞佇半中途跋倒，規個人毋但正另跤仔手擦破皮，連欲跔嘛跔袂起來，欲喝救人嘛因為四箍輾轉無人行跤到，真正是擔沙地海——無彩工。這個時陣，烏狗就趕緊走轉來厝裡，佇門跤口一直吠、一直吠。阿爸看狗仔那跳那吠，看毋是勢，就隨駛車出門，才知阿公因為跋倒人著傷，無法度家已跔起來，也因為狗仔的關係，阿公才會赴送病院。

經過這擺的代誌了後，這隻狗仔就成做阮兜的救星，毋但享受國王級的待遇，閩有濟濟的喙食物仔通好食。我恰小妹常在會共阿公講：「這隻烏狗袂輸恁孫咧！」阿公就會那笑那應：「啥物這隻烏狗！這隻是我上要意的阿富仔！」

阿富仔來到阮兜了後，定定會司奶、弄逐家笑，這時我才真正了解「狗來富」，毋但是帶來財運爾爾，閩會予咱的生活變甲閩較好。